



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCXIV. ad annum CCCXLVI.

Parisiis, 1644

Canones Concilii Ancyrae, Ex interpretatione Isidori Mercatoris.

urn:nbn:de:hbz:466:1-15072

malefica , aut expiandi causa , sub regula quinquennii iaceant , secundum gradus pœnitentiæ definitos.

XXIV.

Quidam sponsam habens , sororem eius violavit , & grauidam reddidit ; postmodum despontam sibi duxit vxorem : illa vero quæ corrupta est , laqueo se peremis . Hi qui fuerunt consci , post decennem satisfactionem iussi sunt suscipi , secundum gradus pœnitentiæ constitutos .

CANONES
CONCILII ANCYRANI,

Ex interpretatione Isidori Mercatoris.

TITVL CANONVM.

- I. De presbyteris lapsis in perfec-
tione.
- II. De diaconibus qui immolaue-
runt.
- III. De clericis siue laicis , quorum
manus alii cum iniuria superido-
lorum sacrificia posuerunt.
- IV. De his qui in templis idolorum
cœnauerunt.
- V. De his qui timore ritus genti-
lium peregerunt.
- VI. De his qui in locis idolorum
manducauerunt.
- VII. De his qui frequenter idolis
immolauerunt.
- VIII. De his qui coacti vi idolis
immolauerunt.
- IX. De his qui aliis sacrificandi
causam attulerunt.
- X. De diaconibus protestantibus ,
cum ordinantur , &c.
- XI. De despontatis puellis , & ab
aliis corruptis .
- XII. De his qui ante baptifum
sacrificauerunt idolis .
- XIII. De Choropiscopis , & eorum
potestate & auctoritate .
- XIV. De presbyteris a carnibus se
abstinentibus .
- XV. Non debere presbyteros Ec-
clesiastica iura vendere : vel de
rebus Ecclesiasticis eo tempore
distractis , quo ipsa Ecclesia vi-
duantur Episcopis .
- XVI. De his qui irrationabiliter
vixerint , aut qui cum pecudibus
versantur .
- XVII. De his qui alias ad ante-
dicta peccata induxerint .
- XVIII. De Episcopis qui ordina-
ti non suscipiuntur , vel qui ad
Episcopatum promoti sunt , nec
recepti .
- XIX. De his qui virginitatem pro-
fitentur ; & quæ sub sororis habitu
cum aliquibus commorantur .

- ANNO
CHRISTI 314. XX. De adulteris & eorum pænitentia, siue vir sit, an mulier.
XXI. De mulieribus quæ fornicate, partus suos necant.
XXII. De his qui volentes homicidium fecerunt.

- XXIII. De his qui more gentilium vivunt.
XXIV. De eo qui sororem sponsæ siue vitiauit, vel virginum corruptionibus consciit sunt.

C A N O N E S.

I.

PRESBYTEROS qui immolauerunt, & postea certamen iterum inierunt, si hoc ipsum ex fide, & non aliquo argumento sibimet præparantes, egerunt, vt iterum teneri viderentur, aut tormentis subiici putarentur, tamquam inuiti : si ex fide ergo luctati sunt, & non ex compacto, ad ostentationem, vt caperentur, ipsi fecerunt : hos placuit honorem quidem sedis propriæ retinere : offerre autem illis, & sermonem ad populum facere, aut aliquibus sacerdotalibus officiis fungi, non liceat.

II.

Diaconos similiter qui immolauerunt, postea autem iterum reluctati sunt, illum quidem honorem habere oportet : cessare vero debent ab omni sacro ministerio, ita vt nec panem, nec calicem offerant, nec pronuntient : nisi forte aliqui Episcoporum consciit sint laboris eorum, & humilitatis, & mansuetudinis, & voluerint eis aliquid amplius tribuere, vel adimere. Penes ipsos ergo de his erit potestas.

III.

Qui fugientes timore persecutionis comprehensi sunt, vel a familiaribus, seu a domesticis traditi, vel bona propria amiserunt, vel sustinuerunt

Concil. Tom. 2.

H ij

tormenta , vel etiam carceribus inclusi sunt , & ta-
men proclamauerunt se esse Christianos ; quin
etiam , perseuerante violentia , ad id vsque perdu-
cti sunt , vt manus eorum apprehensas & violenter
attractas super sacrificia imponerent , illis scilicet
perseuerantibus in fide , & Christianos se esse vo-
ciferantibus : hoc ergo quod eis inuitis , aliis co-
gentibus , contigit , si lucretu & mœrore animi acer-
be se ferre demonstrent , ipsique humili per bo-
nam conuersationem habitu incedentes , dolere se
id quod inuiti coacti sunt , doceant , hos tamquam
inculpatos a communione non vetari . Si autem
iam prohibiti sunt ab aliquibus a communione ,
maioris diligentiae & inquisitionis causa , aut per a-
liquorum ignorantiam , statim recipi oportet . Hoc
autem obseruari conuenit & de clericis , & de laicis
omnibus . Laicos sane , qui in similes necessitatis
causas inciderunt , tamquam nihil peccauerint , ma-
xime si eos probabilis vita commendet , ad ordina-
tionem recipi placuit .

IV.

De his qui sacrificare coacti sunt , insuper in
templis idolorum cœnauerunt , si qui eorum cum
habitu cultiore ad templa perducti sunt , atque ibi ,
preciosiori veste adhuc mutata , cœnæ participes fa-
cti sunt idolorum , indifferenter sumentes omnia
quæ fuerunt apposita : placuit eos inter audientes
vno anno constitui , tribus autem aliis annis agere
pœnitentiam : sed ex ipso triennio per biennium
tantummodo orationi communicare , tertio autem
anno reconciliari sacramentis .

ANNO
CHRISTI
314.

SILVESTER P. I. ANCYRANVM. CONSTANTINVS IMP. 61

V.

Quotquot autem ascenderunt templacum veste lugubri, & recumbentes inter alios manducauerunt, flentes; si compleuerint pœnitentiam triennii temporis, sine oblatione suscipiantur ad communionem, id est, vt ipsi oblationem non offerant. Si autem perducti ad templa, non manducauerunt, biennio maneant in pœnitentia. Tertio vero anno communicent, sed sine oblatione, vt dictum est. In quarto autem anno perfectionem suam recipient. Episcopum autem hanc habere licentiam oportet, vt perspecta singulorum conuersatione, normam regulamque conuersationis attribuat: id est, aut humanius agens, secundum vitæ modum, tempus alicui pœnitentiæ breuiet, aut etiam prolixius, quod correctione necessarium viderit, addat. Discutiatur autem omnium horum & præcedens vita, & posterior: & ita circa eos sacerdotalis se humanitas moderetur.

VI.

De his qui minis tantum cesserunt, aut bonorum ablatione, aut transportationis pœna deterriti * sacrificauerunt, & nunc vsque non pœnituerunt, neque conuersi sunt; modo autem, id est, tempore huius Synodi se obtulerunt, conuersionis suæ consilium capientes: placuit eos vsque ad magnum diem inter audientes suscipi, ac pœnitentiam age-re triennio, & post duos alios annos sine oblatione communicare, & ita demum sex annis peractis, ad perfectum peruenire. Quod si aliqui ante hoc Concilium suscepti sint ad pœnitentiam, ex illo tempore

H iiij

* a fide errauerunt.

imputabitur eis initium sexennii constituti. Quod
si alicui horum quodlibet mortis periculum aut ex
ægritudine , aut ex qualibet causa immineat , his
communio propter viaticum suum non negabitur.

VII.

De his qui festis diebus paganorum , in remo-
tis locis eorum conuiuiis interfuerunt , & suas ni-
hilominus epulas ibidem portauerunt & comedie-
runt : placuit , vt post biennii poenitentiam susci-
piantur , ita tamen , vt vtrum cum oblatione reci-
piendi sint , an ad solam communionem admitti
debeant , vnusquisque Episcoporum examinet , vi-
ta eorum præteritæ ac præsentis habita considera-
tione.

VIII.

Hi autem qui secundo & tertio sacrificauerunt,
vi coacti , quatuor annis sese ad pœnitentiam sub-
mittant , duobus autem aliis sine oblatione com-
municent , septimo anno perfectionem recepturi
communionis.

1 x

Quotquot autem non solum a fide Dominica
deuiarunt, sed etiam insurrexerunt in alios, & fra-
tribus persuaferunt, & rei facti sunt persuasionis:
hi per triennium quidem inter catechumenos ha-
beantur, per aliud autem sexennium pœnitentiæ
recipient locum, alio vero anno, id est, decimo,
communionem sine oblatione recipient, ut com-
pleto decennio, perfectione fruantur. In eo autem
ipso tempore etiam vita eorum & conuersatio con-
sideranda est.

ANNO
CHRISTI
314.

X.

Diaconi quicumque , cum ordinantur , si in ipsa ordinatione protestati sunt , dicentes velle se habere vxores , nec posse se continere ; hi postea si ad nuptias venerint , maneat in ministerio , propterea quod his Episcopus licentiam dederit . Qui cumque sane tacuerunt , & suscepserunt manus impositionem , professi continentiam , si postea ad nuptias venerint , a ministerio vel clero cessare debebunt , laicam tantum recipientes communio nem.

XI.

Desponsatas puellas , & postea ab aliis raptas , placuit erui & his reddi , quibus fuerant ante desponsatae , etiam si a raptoribus florem pudoris sui amisisse constiterit .

XII.

Eos qui ante baptismum sacrificauerunt , & postea baptismum consecuti sunt , placuit ad ordinem promoueri , tamquam ab omni crimine , lauaci salutaris sanctificatione , purgatos .

XIII.

Vicariis Episcoporum , quos Græci * Chorēpi-
scopos vocant , non licere vel diaconos ordinare :
sed nec presbyteris ciuitatis , sine Episcopi præce-
pto , amplius aliquid imperare , vel sine auctoritate
literarum eius in unaquaque parochia aliquid agere .

Id est , Epi-
scopos re-
gionales seu
rurales .

XIV.

De his qui in clero sunt presbyteri vel diaconi ,
& abstinent a carnis , hoc placuit statui , ut non
eas tamquam immundas contemnant , sed con-

tingant. A quibus quidem si se abstinere volunt, habeant potestatem; ita tamen, ut si quando cum oleribus coquuntur, eadem tamquam carnibus polluta non iudicent, sed ex his ad cibum assumant, quamvis a carnibus se abstineant. Quod si in tantum immundas & abominabiles iudicauerint, ut nec olera, quæ cum carnibus coquuntur, æstiment comedenda, tamquam non consentientes huic regulæ, cessare eos oportet & a ministerio & ordine suo. Si quis autem huic regulæ monitus non obedierit, sed carnes, ut dictum est, immundas & abominandas existimauerit, cessare debebit ab ordine suo.

X V.

Si qua de rebus Ecclesiæ, cum Episcopus non est, presbyteri vendiderint; placuit, rescisso contractu, ad ius Ecclesiasticum reuocari. In iudicio autem erit Episcopi, si constitutum precium debat recipi, necne: propter quod sœpe contingit, distractarum rerum redditus ampliorem summam pro dato precio reddidisse.

X VI.

Quotquot igitur ante vigesimum ætatis suæ annum tale crimen admiserint, quindecim annis in pœnitentia peractis, orationi tātum incipient communicare: & quinquennium alterum in communione orationis solius perdurantes, post vigesimum cum oblatione ad cōmunionem suscipiantur. Discutiatur autem & vita eorum, qualis fuerit tempore pœnitentiæ; & iuxta hanc, humanitatem consequantur. Quod si quis perseverantius abusus fuerit

hoc

^{ANNO CHRISTI} ^{314.} hoc crimine , hic prolixius tempus , viginti annorum pœnitentiam , suscipiat . Qui vero exacta viginti annorum ætate , & vxores habentes , in hoc crimen inciderunt , post viginti & quinque annos pœnitentia acta , ad communionem orationum admittantur: in qua communione orationum altero quinquennio perdurantes , ad plenam communionem cum oblatione suscipientur . Quod si aliqui & vxores habentes , & excedentes quinquagesimum ætatis suæ annum , in hoc prolapsi sunt scelere , ad exitum tantum vitæ communionem mereantur .

XVII.

Hos eodem sane non solum leprosos criminè huiusmodi factos , sed & alios isto suo morbo repletos , placuit inter eos orare , qui tempestate iatantur , qui a nobis energumeni appellantur .

XVIII.

Si qui Episcopi suscepti non sunt a sua diœcesi , in qua fuerant denominati , & voluerint alias Ecclesias occupare , & vim facere Episcopis quos ibi inuenerint , seditiones excitando aduersus eos , hos segregari oportet . Quod si volunt in presbyteri honore in Ecclesia , vbi prius fuerant , residere , non repellantur a propria dignitate . Quod si etiam ibi seditiones concitare probantur Episcopis ibidem constitutis , segregari eos necesse est , & nihilominus presbyterii dignitate priuari .

XIX.

Quotquot virginitatem pollicitam præuaricati sunt , professione contempta , inter digamos , id est , qui ad secundas nuptias transferunt , haberi debe-

Concil. Tom. 2.

I

bunt. Virgines autem puellas, quæ tamquam foro-<sup>ANNO
CHRISTI
314.</sup>
res cum nonnullis viris habitare volunt, ab eorum
consortio prohibemus.

X X.

Si quis adulterium commiserit, septem annis in
pœnitentia completis, perfectioni reddatur secun-
dum pristinos gradus.

X X I.

De mulieribus quæ fornicantur, & partus suos
necant; sed & de his quæ agunt secum, vt vtero
conceptos excutiant, antiqua quidem definitio est,
vsque ad exitum vitæ eas ab Ecclesia remoueri.
Humanius autem nunc definimus, vt eis decem an-
norum tempus pœnitentiæ tribuatur.

X X I I.

Qui voluntarie homicidium fecerint, ad pœni-
tentiam quidem iugiter se submittant. Circa exi-
tum autem vitæ, communione digni habeantur.
Eos vero qui non voluntate, sed casu homicidium
fecerint, prior quidem regula post septem anno-
rum pœnitentiam communioni sociauit secundum
gradus constitutos. Hæc vero humanior defini-
tio, quinquennii tempus tribuit.

X X I I I.

Qui auguria vel auspicia, siue somnia vel diui-
nationes quaslibet, secundum morem gentilium
obseruant, aut in domos suas huiusmodi homines
introducunt in exquirendis aliquibus arte malefi-
ca, aut vt domos suas lustrent; confessi, quinque-
nio pœnitentiam agant, secundum regulas antiqui-
tus constitutas.

ANNO
CHRISTI
314.

XXIV.

Si quis sponsam habens, sorori eius forsitan intulerit * vitium, eique inhæserit tamquam suæ: hac autem decepta, postea vxorem duxerit desponsatam: illa vero quæ vitium passa est, si forte necem sibi intulerit; omnes hi qui facti huius sunt consci, decem annis in pœnitentiam redigantur, secundum Canones constitutos.

* Nomina Episcoporum qui ad Ancyranam Synodum conuenierunt, & subscripserunt.

Vitalis Antiochenus Syriæ Cœles.

Agricolaus Cæsareæ Palæstinæ.

Marcellus Ancyrae Galatiæ primæ.

Lupus Tarsensis Ciliciæ.

* Arme- Baſilius Amasenus * Helleſponti.
nix ma- Philadelphius Iuliopolis Galatiæ
ioris, primæ.

Eustolius Nicomediae Bithyniæ.

* Zele- Heraclius * Zelensis Armeniæ
nenſis maioris.

* Pifidiz, Petrus Iconiensis * Lycaoniæ.

Nunechius Laodiceæ Phrygiæ Germanus Neapolis Palæstinæ.

Pacatianæ.

Sergianus Antiochiae Pisidiæ, siue Cariæ.

Epidaurus Pisidensis Pamphyliæ.

Narcissus Neroniadis Ciliciæ.

Leontius Cæsareensis Cappadociæ primæ.

Longinus Neocæsareensis Ponti Palemoniaci.

Amphion Epiphaniae Ciliciæ secundæ.

Salamenus Germaniciæ Cœles Syriæ.

* CAPITVLA DVO ANCYRANI

Concilii, ex quodam libello sexdecim librorum partialium defumpta, lib. 6. cap. 6.

De illo qui domino suo iubente homicidium fecerit.

Si quis liber (iubente domino suo) seruum eius occiderit, vt homicidium sponte commissum, pœniteat.

EX EODEM CONCILIO IVXTA EXEMPLAR
prædictum, lib. 6. cap. 7.

Vt Episcopi de parochiis suis fortilegos & maleficos expellant.

Vt Episcopi eorumque ministri omnibus viribus elaborare studeant, vt perniciosam & a diabolo inuenientur. 26. q. 1. 2. 5.
& 4. & potissimum 4. 5.